



Universitätsbibliothek Paderborn

**Consolator Fidelis Et Proficientis Animæ seu
Exhortatiunculæ Spirituales Et Succinctæ In singulas
Dominicas & Festa anni divisæ, quibûs Confessarius in S.
tribunali animam Deum verè quærerentem paternè ...**

Eisvogel, Veremund

Augustae Vindelic., 1727

2. Purificatio B. V. Mariæ

[urn:nbn:de:hbz:466:1-52716](#)

Reginam, in qua octo magis heroici
actus in humilitate, temperantia, & ta-
citurnitate Ei offeramus pro perpetua
nos inter amicitiam. Schedam depona-
mus aut in manus Beatissimae V. Mariæ,
aut abscondamus sub pia Icone cum
Antiph. *Salve Regina, Mater Miseri-
cordiae!*

Festum Purificationis B. Virgi- nis Mariæ.

EXHORTATIUNCULA I.

Ecce! venit ad templum sanctum su-
um Dominator Dominus, ut se pro
nobis offerat, ac præsentet hostiam vi-
vam. Surgat ergo filius spiritualis! &
occurrat Deo suo! occurrat in omni pu-
ritate animi, lætitiam cordis, & gaudio
Benedictini spiritus.

Instructio meritoria.

Hæc Præsentatio ut nostra sit in cœlis
glorificatio, recitemus *primas quatuor
Decades* ex S. Rosario Gaudioso. In fi-
ne prostratō coram Sanctissimo Altaris
Sacramento corpore nos totos præsen-
temus SSS. Trinitati in Hostiam Divini
Bene-

212 II. Februarii. Purificationis B. V. M.

beneplaciti , & voluntatis Sacratissimæ
Non surgemus sine grandi merito. Re-
noventur dein solemnia Vota cum Psal-
mo : *Benedic anima mea Domino , &
omnia &c.*

II.

O Prodigium humilitatis ! Maria se
subjicit legi peccatorum , ut vide-
retur esse , quæ tamen non erat ! quia
Mater Dei. Fili mi ! simus , quos pro-
bant opera , videlicet : in oculis Dei ju-
sti , humiles , & omnis sanctitatis ama-
tores. Judicent nos humani oculi ! quid
cum ? modò propria nos non incusat
conscientia. Si nos hominum moveat
opinio , citò abstineamus ab opere bo-
no ? Quidquid egerimus , vel omi-
serimus , perinde est , criticos experie-
mur.

Instructio meritoria.

Pro acquirenda humilitate cordis so-
lidâ post preces ad salutationem Angelici-
cam persolvendas exosculemur in hono-
rem ætatis Christi trigesies quater ter-
ram subjungentes Psalmum : *Domine !
non est exaltatum cor meum &c.* Humi-
liate



litate capita vestra Deo! clamat ad filios
Ecclesia.

III.

Quod Mariæ erat charissimum, obtulit hodie Deo, nostrum Christum, & honorem suum. O dignum Patre Cœlesti sacrificium! Fili! si honorem, si cor, si voluntatem, & affectus nostros pro Deo impenderimus, obtulimus omnia. Et ô quam suave est, tam pio, & liberali Patri servire, qui terrena offerenti rependit cœlestia. Ideò S. Chrysolog. cur non cœlo mutuamus terram: quare non caducis emimus æterna? quare non perituri manentia comparamus?

Instructio meritoria.

Ut purificemur, & mundemur spiritualiter, omnibusque delictorum eluamur contagiosis, per octo dies in nostro cubiculo candelam accendamus, quam ardente antè cubitum semper renovabimus formulam votivam cum *Lyt. Laur.* Hæc candela loquetur, quanti sit in corde nostro, ac pietatis affectu dulcis Virgo, Clemens Mater, Potens Maria.

Dies